

**13 FEBRUARIE**

**RUGACIUNEA**

**SF. IERARH**

**SERAFIM BOBOLEV**

**AL BOGUCIARSKULUI BULGARIEI**

**Молітва**

О чудотворче предивный, святителю отче Серафиме! Ты, еще жив сый, рекл еси верным: яко аще улучу дерзновение у Господа, не оставлю вас сирых. Сего ради, поминающе глаголы твоя и дела милосердия твоего в жизни временней, любовь припадаем и усердно просим: молися непрестанно у Престола Царя Славы о всех нас, ближних и дальних, присных и странних, немощных и грешных, любовь почитающих тя. Ты от младенства благодатию Божиею просвещен был еси, в юности же ум совершенный стяжав, юноши и девы умудрил еси. Достигше же мужеска возраста, усердный делатель Божественных добродетелей явился еси. Сего ради утверди и нас во благоугождении Богу и, яко пастырь добрый, иже изрядно овцы

Христо́вы упáсл еси́, наста́ви нас на путь покая́ния. Я́ко свети́льник Свѣта И́стиннаго просвети́ нас и сохрани́ от заблужде́ний и собла́знов ми́ра сего́, и я́ко чудотво́рец дивный не преста́й явля́ти ми́лость свою́ всем с любо́вию притека́ющим к тебе́. Па́стырю до́брый, не оста́ви па́ству, в зе́млях Бо́лгарской и Ру́сской и и́нуде су́щую. Буди́ ско́рый помо́щник призыва́ющим тя от всех конце́в земли́, да просла́вится неизрече́нное милосе́рдие Па́стыренача́льника и Го́спода на́шего Иису́са Христа́, при́сно прославля́емаго и спокланя́емаго со Безнача́льным Его́ Отце́м, и Всесвяты́м, и Благы́м, и Животворя́щим Его́ Ду́хом, ны́не и при́сно, и во ве́ки веко́в. **Ами́нь.**